

Hopp- og kombinertkomiteen@

Sakshand.: JOL/GF/YT

Dato: 07.11.2016

Arkivk.: hkk/møter/protokoll/15-17

REFERAT HAUSTMØTET HOPP- OG KOMBINERTKOMITEEN, 07. NOVEMBER 2016

Stad: Skei, Thon Jølster Hotel
Tidspunkt: Måndag, 07. november 2016, kl. 18.00-21.30

Sakliste

SAK 01	Godkjenning av innkalling og sakliste
SAK 02	Val av referent
SAK 03	Terminliste 2016-2017
SAK 04	Skiforbundet sin utviklingsmodell (SUM)
SAK 05	Status kurs, trener/ dommar
SAK 06	Økonomi, marknad/ status «sponsor» SFE

EVENTUELT

TIL STADES: Gunnar Fannemel, Jan Inge Årdal, Lars Brekke, Knut Leirgulen, Lars Kveen, Odvin Myklebust, Jon Ove Lomheim

REFERENT: Jon Ove Lomheim

MERKNADER:

SAK 01 **Godkjenning av innkalling og sakliste**
Bakgrunn
Innkalling og sakliste var utsendt på førehand.

VEDTAK
Innkalling og sakliste godkjent

SAK 02 **Val av referent**
Bakgrunn

VEDTAK
Gunnar Fannemel møteleiar og Jon Ove Lomheim valt som referent.

SAK 03

Terminliste 2016-2017

Bakgrunn

HKK ønskjer:

- Koordinere felles liste for M & R, S & FJ og H
- Vestlandscup – 3 stk
- KM i Sogna (Hafslo einaste alternativ)
- SFE-cup FINALE i Stryn (felles for alle tre regionane)

Jon Ove hadde utarbeidd eit utkast sendt ut på førehand. Terminliste vart gjennomgått, revidert og semje om i møtet.

VEDTAK

Haustmøtet sitt framlegg datert 07.11.2016 vert sendt ut til klubbane og nabokrinsane til uttale.

HKK vil gje rekrutteringspremie til ”3 beste rekrutteringsklubba” i SFE-cupen. Jon Ove lagar eit utkast til reglar basert på tidlegare reglar. Forslag til reglar sendast komiteen til uttale.

Jon Ove lagar også revidert reglement for SFE-cupen basert på felles SFE-finale.

SAK 04

Skiforbundet sin utviklingsmodell (SUM)

Bakgrunn

- Visjon HOPP
- Struktur
- Kompetansflyt frå topp til botn
- SUM sett i system = Nivåfaktorar

VEDTAK

Komiteen tek skiforbundet sitt dokument til etterretning og lagt til grunn for komiteen (og Sogn og Fj) sin utviklingsmodell. Dokumenta følgjer vedlagt referatet.

SAK 05

Status kurs, trenar/ dommar

Bakgrunn (info)

Trenarkurs:

- Lenge sidan sist
- Bør arbeide for å rekuttera nytt trenarkurs lokalt

Dommarkurs:

- Delt på to helgar (to grupper) i Stryn
- Tre fullført med praksis (Kari, Jan Inge og Gaute)
- Ein manglar fullført praksis (Jon Ove)

Prøve nytt tilbod i 28.-29.12. i Stryn (Nordfjord Fritidssenter) om det er interesse for det.

Dommarutvalet: Lars Brekke (leiar), Knut Leirgulen, Jan Inge Årdal, Per Birger Lomheim

VEDTAK

HKK kartlegg mulegheiter for rekutting nye trenar, men prøver å nytta dei trenarkontaktane ein har best muleg.

Info frå Lars og dommarutvalet teke til orientering.

SAK 06

Økonomi, marknad/ status «sponsor» SFE

Bakgrunn

Adm har lagt fram rekneskap for komiteen, resultat hittil i år er + kr 9630,60.

Sponsor SFE svært viktig for HKK og komiteen må prioritere marknadsføring av SFE (og avtalen).

VEDTAK

Ingen merknad og rekneskapen for HKK teke til orientering

Ref.

Jon Ove Lomheim

Vedlegg SAK 04

Skiforbundet sin utviklingsmodell (SUM)

I samband med Ski-tinget i Trondheim 28.-29. mai la skiforbundet til grunn ein ny utviklingsmodell ved inngangen til planperioden 2016-2020.

Utviklingsmodellen dannar grunnlag for alle hovudmål og delmål i planperioden, og den dekker alle innsatsområde.

Utøveren i sentrum

Utvikling av skiutøveren skal gjerast i eit langsiktig utviklingsperspektiv. Difor er det utøveren som er i sentrum for ski-idretten sine målsetjingar, gitt i Skipolitisk dokument for perioden 2016-2020.

For at ein utøvar skal kunne utvikle seg er det behov for trenarar, arrangement, og anlegg som er lagt til rette på ein slik måte at utvikling skjer gjennom eit langt idrettsliv. Til saman utgjer elementa nærast utøveren kjerneverksemda for all verksemd, frå skiklubb/ skigruppe, via skikrets og til skiforbundet.


Flest mogleg, lengst mogleg, best mogleg

Menneska utviklar seg i ulik takt, uavhengig av alder og dugleiksnivå. Ski-idretten sine framtidige mål er difor lagt til rette for idrettsleg utvikling, basert på utviklingsalder framfor kronologisk alder. Med rett utvikling, til riktig tid, vil resultata komme. Samstundes vil ski-idretten vere eit viktig bidrag i eit folkehelseperspektiv.

Klubbane i Norges Skiforbund har gjennom klubbundersøkinga gjennomført hausten 2015 gitt eit godt bilete av ski-idretten sine utfordringar, og har gitt Skiforbundet ein retning for kva som er viktig for aktiviteten framover.


Å behalde skiutøveren gjennom heile barne- og ungdomsperioden er ei uttalt målsetjing. Dette må gjerast gjennom tilrettelegging av aktiviteten, også på ein måte som ikkje skal vere økonomisk belastande.

Gjennom ein utviklingsbasert modell, skiforbundet sin utviklingsmodell, skal det utviklast nye aktivitetstilbod som ivaretek medlemmane si moglegheit til å drive breidde- og toppidrett, på tvers av greiner og andre idrettar.



Øvrige rammevilkår for ski-idretten si verksemd er utdanning og utvikling, informasjon og kommunikasjon, økonomiske rammevilkår, internasjonalt arbeid og samhandling på tvers i organisasjonen og mellom organisasjonar. Saman med kjerneverksemda utgjer dette innsatsområda for ski-idretten dei kommande fire åra.

Utviklingsmodellen



Skiforbundet sin utviklingsmodell (SUM) skal vere ski-idretten sin raude tråd i denne planperioden. Den gjev føringar for korleis framtidens organisasjon, utøvarar, trenarar, leiarar, anlegg og arrangement skal vere. Målet er at ski-idretten skal legge til rette for flest mogleg, lengst mogleg og best mogleg. I dette ligg aktivitet både for funksjonsfriske, funksjonshemma, for integrering av medlemmer som ikkje har eit tradisjonelt forhold til snø og ski, og integrering av medlemmer frå alle samfunnslag. Ski-idretten skal vere inkluderande med omsyn til nivå, alder, kjønn, sosial- og kulturell bakgrunn, funksjonsevne, seksuell orientering og økonomisk evne.

Ulike nivå i modellen

Aktiv start

- første møte med organisert idrett
- grunnleggande rørsler med og utan ski
- situasjon- og oppgåvestyrt aktivitet med lite instruksjon
- skiskular, idrettsskular, allidrett, basisaktivitet og leikaktivitetar på ski basert på meistring
- karusellrenn kan vere rekruttering til aktivitet
- nærmiljøanlegg, lokale skianlegg, lokale snøsoner

FUNDament

- mykje variert og allsidig fysisk aktivitet
- innlæring av grunnleggande rørsler med og utan ski
- situasjon- og oppgåvestyrt aktivitet med lite instruksjon
- skiskular, idrettsskular, allidrett, basisaktivitet og leikaktivitetar på ski basert på meistring
- deltaking i karusellrenn som motivasjon
- nærmiljøanlegg, lokale skianlegg, lokale snøsoner

Lær å trene

- trening på grunnleggande ferdigheiter med og utan ski
- mykje variert aktivitet, gjerne i fleire idrettar
- trening med fokus på meistring og utvikling
- større fokus på trening framfor deltaking i konkurransar
- trening på sosiale ferdigheiter gjennom deltaking i idretten
- klubbtrening, og trening i samarbeid med andre særiddrettar eller andre skiklubbar
- klubb-, sone-, og krinsrenn
- nærmiljøanlegg, lokale skianlegg, lokale snøsoner

Trene for å trene

- meir fokus på greinsespesifikk trening, med variert aktivitet og gjerne gjennom fleire idrettar
- bygge treningskultur, sosiale miljø, og i tillegg drive aktivitet for dei som berre ynskjer å trene
- individuell treningsoppfølging i høve til utviklingsalder
- fortsatt mest vekt på trening vs. konkurranse, men auke av tal konkurransar
- trenarar på høgt nivå

Trene for å konkurrere

- heilskapleg utvikling av toppidrettsutøvarar
- fokus på læring og utvikling gjennom konkurransar
- mykje spesialisert trening
- FIS-renn, NM, jr. VM, U23, YOG, EYOF
- homologerte konkurranseanlegg
- trenarar på høgt nivå

Trene for å vinne

- utøvarar på høgt sprortleg nivå
- utviklingsorienterte utøvarar
- OL, VM og verdenscup
- nasjonalanlegg og homologerte konkurranseanlegg
- trenarar på høgt nivå

Konkurrere på ski livet ut

- ungdom som ikkje ynskjer å konkurrere på høgt nivå skal få eit konkurransetilbod
- aktivitet gjennom trening i skigruppa/ skiklubben
- konkurransetilbod gjennom turrenn, master og fjelltelemarkrenn

Aktiv livet ut

- aktivitet gjennom breidde- og mosjonsidrett i skigruppa/ skiklubben
- fokus på trening i eit helseperspektiv
- utvikling av nye ferdigheiter gjennom deltaking på teknikkurs i regi av skigruppa/ skiklubben

Norges Skiforbund sin hovudmål for perioden

Her følgjer eit utdrag av skiforbundet sin hovudmål for kommande periode. Dei samla hovudmåla er gitt av mål for kjerneverksemda og rammevilkåra.

Utøvar

- Det skal implementerast ein ny utviklingsmodell. Skiforbundet sin Utviklingsmodell – SUM.
- Skiforbundet sin medlemsmasse skal auke gjennom auka rekruttering og tiltak for å beholde fleire i ski-idretten.

Anlegg

- Skiforbundet, skikretsane og skiklubbane skal legge til rette for heilårsanlegg der folk bur, som skapar variert aktivitet på ulike underlag.
- Skikretsane skal til ein kvar tid ha ein gjeldande anleggsplan som skal vere førande for størrelse, plassering og prioritering av skianlegg.
- Skiforbundet sine greiner skal ha kvalifiserte anleggsrådgjevarar.

Arrangement

- Ski-idretten sine konkurranseformer skal bidra til å sikre rekruttering og hindre fråfall.
- Ski-idretten sitt konkurranseprogram skal ha fokus på meistring i overgangen mellom barne- og ungdomsskule.

Trenar

- Ski-idretten sine trenarar skal kjenne til og ta i bruk skiforbundet sin utviklingsmodell.
- Ski-idretten sine trenarar skal legge til rette aktivitet for alle utøvarar, uavhengig av funksjonsnivå, både dei utøvarane som ynskjer å konkurrere, og utøvarar som ynskjer å vere i aktivitet.

Opplæring og utdanning

- Skiforbundet skal utvikle og implementere eitt fullstendig kurstilbod for aktivitetsleiarar, trenarar og instruktørar basert på SUM
- Skiforbundet skal utvikle ein heilheitleg struktur for kompetanseheving for leiarar, arrangørar og anleggsutviklarar.

Kommunikasjonsarbeidet

- Skiforbundet sin merkevare og omdømme skal styrkast gjennom at all kommunikasjon skal føregå opent og ærleg, og vere prega av tillit og sunne verdiar.

Økonomiske rammevilkå

- Skiforbundet skal ha dei beste rammevilkåra for dei beste utøvarane.

- Skiforbundet skal ha eit forsvarleg positivt resultat i planperioden, slik at eigenkapitalen vert oppretthaldt.

Samhandling

- Ski-idretten sine rettigheter skal ivaretakast og forvaltast gjennom handheving av skiforbundet si lov, reglement og avtalar.
- Ski-idretten sine rammevilkår skal sikrast gjennom politisk arbeid.

Les meir om skiforbundet sine hovudmål i planperioden i Skipolitisk Dokument 2016-2020.

I utforming av Skipolitisk Dokument 2016-2016 har ein vidare definert skikrinsane sin hovudmål innanfor kjerneverksemda og rammevilkåra i høve til SUM-modellen.

I det følgjande blir desse beskrive:

UTØVAR – HOVUDMÅL – SKIKRINSEN

a) Aktiv start – skikrinsen

Skikrinsen skal implentere SUM i klubbar i eigen krets, slik at borna sitt første møte med ski-idretten vert prega av leik og glede, uavhengig av utviklingsnivå og alder.

FUNDament – skikrinsen

a) Sjå «Aktiv start».

Lær å trene – skikrinsen

a) Sjå «Aktiv start».

Trene for å trene – skikrinsen

a) Skikrinsen skal implementere SUM slik at utøvarane skal få variert bevegeleserfaring gjennom tilrettelegging av allsidig aktivitet tilpassa utviklingsnivå.

Trene for å konkurrere – skikrinsen

a) Skikrinsen skal oppmode til tilrettelegging av treningstilbod på tvers av greiner og klubbar.

b) Skikrinsen skal skape utviklingsmiljø på tvers mellom klubbar i krinsen, og klubbar på tvers av klubbgrensene.

Trene for å vinne – skikrinsen

a) Skikrinsen skal stimulere miljø og kraftsenter som skal rekruttere dei neste landslags- og representasjonsutøvarane.

Aktiv livet ut – skikrinsen

a) Skikrinsen skal bidra til skiforbundet sine aktivitetskonsept implementerast gjennom sonemøter, klubbesek og eigne kretstiltak.

ANLEGG – HOVUDMÅL – SKIKRINSEN

Aktiv start – skikrinsen

- a) Skikrinsen skal gjennom utvikling av anleggsplan stimulere til utvikling av nærmiljøanlegg som kan nyttast heile året.
- b) Skikrinsen skal stimulere til etablering av snøsoner i nærmiljøa gjennom klubbeseøk, sonemøter og anleggsseminar.

FUNdament – skikrinsen

- a) Sjå «Aktiv start».

Lær å trene – skikrinsen

- a) Skikrinsen skal definere det til ein kvar tid gjeldande anleggsbehov som skal framgå i skikrinsen sin anleggsplan for perioden.
- b) Skikrinsen skal bistå klubben med etablering av hensiktsmessige anlegg ut frå ei klassifisering av anleggstypar gjennom anleggsplanen.
- c) Skikrinsen skal stimulere til å bygge anlegg med snøproduksjon.

Trene for å trene – skikrinsen

- a) Skikrinsen sin anleggsplan skal definere langsiktige anleggsbehov, og definere prioriterte område for konkurranseanlegg og antal anlegg i ulike anleggs kategoriar.
- b) Skikrinsen skal bistå skigruppa/ skiklubben med å finne fram til riktig rådgjeving i ulike delar av anleggsfasen.

Trene for å konkurrere – skikrinsen

- a) Skikrinsen skal støtte klubbar som påtar seg ansvar for store anlegg gjennom informasjon, rettleiing, og kompetanseformidling om finansiering og utbygging.
- b) Skikrinsane skal samordne sine anleggsplanar for å sikre god og berekraftig områdefordeling av snøsikre anlegg for store konkurransar og meisterskap.

Aktiv livet ut – skikrinsen

- a) Skikrinsane skal samarbeide med skiforbundet for å sikre arealtilgang for skianlegg og turløyper.
- b) Skikrinsen skal bidra til implementering av adferdsreglar for randonè i alpinanlegg.

ARRANGEMENT – HOVUDMÅL – SKIKRINSEN

Aktiv start – skikrinsen

- a) Skikrinsen skal implementere nye arrangementkonsept gjennom sonemøter, klubbesek og arrangørseminar.
- b) Skikrinsen si terminliste skal gje opning for konkurransefrie helgar, og lokale arrangement på vekedagar.
- c) Skikrinsen skal kvalitetssikre at arrangement i eigen krins vert gjennomført i høve til NSF og NIF sine bestemmelsar.

FUNdament – skikrinsen

- a) Sjå «Aktiv start».

Lær å trene – skikrinsen

- b) Sjå «Aktiv start».

Trene for å trene – skikrinsen

- a) Skikrinsen si terminliste skal gje opning for konkurransefrie helgar i aldersbestemte klassar.
- b) Skikrinsen skal rettleie arrangørane slik at klubbane er i stand til å gjennomføre arrangement med fokus på effektivitet og høg aktivitet.
- c) Skikrinsen skal utvikle ein rettleiar for gjennomføring av KM.

Trene for å konkurrere – skikrinsen

- a) Skikrinsen skal gje tilbod om lokale arrangørseminar til sine arrangørar.

Trene for å vinne – skikrinsen

- a) Skikrinsen skal støtte arbeidet med å rekruttere og behalde fleire frivillige gjennom årlege kompetansetiltak for skiklubbane sin arrangørstab.
- b) Skikrinsen skal bistå arrangørar med kompetanse etter behov.
- c) Skikrinsen bør vere ein samarbeidspartnar ved gjennomføring av renn av internasjonal karakter.

Aktiv livet ut – skikrinsen

- a) Skikrinsen skal legge til rette tilbod om arrangement for medlemmer som ynskjer å delta, men ikkje nødvendigvis konkurrere.

TRENAR– HOVUDMÅL – SKIKRINSEN

Aktiv start – skikrinsen

- a) Skikrinsen skal vere pådrivar for å gjennomføre trenarutdanning for klubbtrenarar og implementere trenarløypa i all trenarutdanning.
- b) Skikrinsen skal samarbeide med skiklubbane om å rekruttere fleire kvinnelege trenarar.

- c) Skikrinsen skal samarbeide med skiklubbane om å rekruttere fleire unge trenarar.

FUNDament – skikrinsen

- a) Sjå «Aktiv start».

Lær å trene – skikrinsen

- a) Sjå «Aktiv start».

Trene for å trene – skikrinsen

- a) Skikrinsen skal bidra til trenarsamarbeid på tvers av skiklubbar og greiner.
- b) Skikrinsen skal vere pådrivar for å gjennomføre trenarutdanning gjennom trenarløypa.
- c) Skikrinsen skal samarbeide med skiklubbane for å rekruttere fleire kvinnelege trenarar.
- d) Skikrinsen skal samarbeide med skiklubbane om å rekruttere fleire unge trenarar.

Trene for å konkurrere – skikrinsen

- a) Skikrinsen skal bidra til trenarutvikling for skiklubbane gjennom aktiv utdanningsutvikling.
- b) Skikrinsen skal bidra til å auke andelen kvinnelege trenarar.

Aktiv livet ut – skikrinsen

- a) Skikrinsen skal bidra til trenarutvikling for alle skitrenarar.

OPPLÆRING OG UTDANNING – HOVUDMÅL – SKIKRINSEN

Utøvar – skikrinsen

- a) Skikrinsen skal drive haldningsskapande arbeid, og bidra til at krinslagsløparar og teamutøvarar blir sjølvstendige utviklingsorienterte utøvarar gjennom kompetansetiltak innan kosthald, ernæring, treningslære, antidopingreglar, fair play og andre relevante kurs i idretten.

Anlegg, eigarar og driftspersonell – skikrinsen

- a) Skikrinsen skal tilby kompetanseutvikling gjennom anleggs- og arrangørseminar.

Arrangørar – skikrinsen

- a) Skikrinsen skal tilby kompetanseutvikling gjennom anleggs- og arrangørseminar, og øvrige kurs for arrangørar, TD`ar og dommarar.

Klubb – skikrinsen

- a) Skikrinsen skal kartlegge skiklubbane sine behov, og på bakgrunn av det tilby utviklingskurs for klubb utvikling, klubleiarar og unge leiarar til skiklubbane.

Trenarar – skikrinsen

- a) Skikrinsen skal tilby allidrettskurs, aktivitetsleiarkurs, trenarkurs 1 og 2, og andre instruktørkurs.

Barnehagar og skular – skikrinsen

- a) Skikrinsen skal bidra til auka kompetanse hjå barnehagetilsette, lærarar og SFOTilsette gjennom praktisk rettleiing.

KOMMUNIKASJONSARBEID – HOVUDMÅL – SKIKRINSEN

Klubb- og medlemskontakt, intern kommunikasjon – skikrinsen

- a) Skikrinsen skal bidra til aktiv medlemskontakt gjennom digitale kanalar.
- a) Skikrinsen skal syte for klubb- og medlemskontakt gjennom haust- og vårmøter.

Ekstern kommunikasjon og samfunnskontakt - skikrinsen

- a) Skikrinsen skal vere ein tydelig aktør i gjennom å delta i debatt om barne- og ungdomsidretten, anleggsutvikling, folkehelse og integrering.

Breidde- og toppidrett – skikrinsen

- a) Skikrinsen skal vere proaktive i informasjon og kommunikasjon til regionale sportsjournalistar.
- b) Skikrinsen skal vere ein tydelig aktør i regionalt mediebilde gjennom distribusjon av eigenprodusert innhald.
- c) Skikrinsen skal ha størst merksemd i mediebiletet regionalt i vinterhalvåret, og også ha god synlegheit i sommarhalvåret.

Merkevare og omdømme – skikrinsen

- a) Skikrinsen skal vere ein godt synleg idrettsaktør i fylket.
- b) Skikrinsen sitt kommunikasjonsarbeid skal bidra til å sikre skikrinsen sitt kommersielle potensiale.

Krisehandtering – skikrinsen

- a) Skikrinsen skal innføre rutinar for mediehandtering i ein krisesituasjon.

ØKONOMISKE RAMMEVILKÅR – HOVUDMÅL – SKIKRINSEN

Kostnadsreducerande tiltak – skikrinsen

- a) Skikrinsen skal arbeide aktivt for å redusere kostnadsnivået i ski-idretten gjennom haldningsskapande arbeid i skiklubbane.
- b) Skikrinsen skal arbeide for å finne rimelege løysningar knytta til reise og opphald i samband med renn og meisterskap.

Merkevaren – skikrinsen

- a) Skikrinsen skal arbeide med utvikling av eigen merkevare i høve til skiforbundet sin merkevarestrategi.

Offentlege midlar – skikrinsen

- a) Skikrinsen skal sikre dei økonomiske rammevilkåra for skiklubbane og skianlegga gjennom politisk påvirkningsarbeid ovanfor fylkeskommunen.
- b) Skikrinsen skal bidra til og vere pådrivar for at skiklubbane sitt behov sikrast ved tildeling av midlar gjennom idrettsråda.

Arrangement – skikrinsen

- a) Skikrinsen skal bidra til at skiklubbane sine rammevilkår sikrast gjennom tilrettelegging av arrangørmateriell og andre kostnadssparande konsept.

Media – og markedsinntekter - skikrinsen

- a) Skikrinsen bør sikre markedsinntekter gjennom å arbeide med regionale samarbeidspartar.

Aktivitetsbaserte inntekter – skikrinsen

- a) Skikrinsen bør drive med inntektsbringande arbeid gjennom ulike typar aktivitetar innanfor ski-idretten si kjerneverksemd.

SAMHANDLING – HOVUDMÅL – SKIKRINSEN

Antidopingarbeid – skikrinsen

- a) Handlingsplan for ski-idretten sitt antidopingarbeid skal ein kvar tid danne grunnlag for skikrinsen sitt arbeid for rein idrett.

Frivillige - skikrinsen

- a) Skikrinsen skal legge til rette for kontinuitet i rekrutteringa av frivillige gjennom planmessig opplæring av nye frivillige til alle funksjonar.

Tillitsvalte – skikrinsen

- a) Skikrinsen sin organisasjonsutvikling skal skje gjennom organisasjonsopplæring av tillitsvalte.
- b) Gjennomsnittleg andel kvinner i styre, komitèar og utval skal vere i høve til idretten sitt lovverk.
- c) Skikrinsen sitt styre og komitèar skal ha representantar under 28 år.

Tilsette – skikrinsen

- a) Skikrinsen skal implementere beredskapsplanar og trene på desse.
- b) Utvikling av ski-idretten skal optimaliserast gjennom tilrettelegging for administrativt samarbeid på tvers av skikrinsane.

Interne- og eksterne organisasjonar – skikrinsen

- a) Skikrinsen skal ha eit aktivt eigarskap til team der krinsen har ei naturleg rolle.
- b) Skikrinsen skal drive utvikling gjennom å samarbeide med eksterne organisasjonar og aktørar.

Offentlege instansar – skikrinsen

- a) Skikrinsen skal samarbeide med nærliggande skigymnas og høgskular knytt til kurs-, kompetanse- og aktivitetsutvikling.
- b) Skikrinsen skal arbeide for å tilby skiaktivitet som ein del av idrettsaktiviteten i skuletida i eit samarbeid mellom klubb, skule og SFO/ AKS.

Politisk samhandling – skikrinsen

- a) Skikrinsen skal drive politisk påverknad ovanfor fylkeskommune, kommunar og idrettskrins.
- b) Skikrinsen skal samarbeid med andre organisasjonar for å nå politiske mål.
- c) Frivilligheita sine rammevilkår skal sikrast gjennom politisk arbeid for å sikre ski-klubbane sin økonomi.